

KATARSKI EMIR prenio vlast na sina



Šejh Tamim, novi vladar Katara

"Bog Svemogući zna da nisam čeznuo za vlašću radi same vlasti, niti sam nastojao vladati iz ličnih motiva, nego je to uvijek bilo radi interesa nacije, a ti interesi nalazu da krenemo ka novom poglavljiju", izjavio je šejh Hamed bin Khalifa Al Thani, 25. juna, 2013. godine, tokom prenošenja vlasti na svog sina šejha Tamima, potavši tako prvi moderni muslimanski monarh koji se dragovoljno odrekao vlasti. Šejh Hamed je rođen 1952. godine. Završio je najugledniju vojnu školu u svijetu, poznatu britansku vojnu akademiju Sundhurst. Za prijestolonasljednika je imenovan 1977., a iste godine je postao i ministar odbrane Ka-

M.K.

tara. 27. juna, 1995. godine šejh Hamed je iznudio abdikaciju svog oca, emira šejha Halife, i pokrenuo pažljivo i strateški osmišljene investicije s ciljem kreiranja bolje infrastrukture, edukacije građana i pokretanja projekata koji obećavaju. Uz velike projekte poput vođstva u proizvodnji LNG-a (tečnog prirodnog gasa), zatim pokretanja medijskog kanala AlJazeera, Qatar Airwaysa – jedne od najuspješnijih avicompanija, te Katarske fondacije, ekonomski bilans Katar se sa 8 milijardi u 1995. godini poveo na 180 milijardi dolara u prošloj godini. Oženjen je s tri žene: Mariam bin Muhammed, Mozah bint Nasser i Nora bin Khalid, i s njima ima dvadeset i četvero djece, jedanaest sinova i trinaest kćeri.

Novi vladar šejh Tamim ima 33 godine i najmlađi je vladar Katar u njegovoj historiji. Sin je šejha Hamada i njegove druge supruge šejhe Moze. Šejh Tamim je imenovan nasljednikom 2003. godine. A njegove dosadašnje dužnosti uključivale su funkciju predsjednika Državnog olimpijskog komiteta Katar i funkciju zamjenika vrhovnog zapovjednika Oružanih snaga Katar. Također je predsjedavajući komiteta zaduženog za organiziranje Svjetskog nogometnog prvenstva 2022., koje će biti održano u Kataru, a predsjedava i Vrhovnim obrazovnim vijećem.

M.K.

Nova zgrada Gazi Husrev-begove biblioteke



Katar donirao posljednju tranšu za GHB biblioteku

Sarajevo, 14. juna 2013. (MINA) - Emir države Katar Šejh Hamad bin Khalifa Al Thani donirao je posljednju novčanu tranšu za opremanje Gazi Husrev-begove biblioteke u Sarajevu, čime je u potpunosti završen finansijski dio projekta izgradnje i opremanja objekta Gazi Husrev-begove biblioteke. Finansiranje kompletног projekta izvršeno je iz donacije emira Katar Šejha Hamad bin Khalifa Al Thani.

Protekle sedmice uplaćena je posljednja donacija traće faze izgradnje, koja obuhvata opremanje Gazi Husrev-begove biblioteke, čime je Katar ispunio sve preuzete obaveze koje su se odnosile na osiguranje novčanih sredstava za izgradnju i opremanje Gazi Husrev-begove biblioteke. Od svoga osnivanja i više od četiri stoljeća postojanja, Gazi Husrev-begova biblioteka je po prvi put dobila svoje namjenski gradene prostorije čime je okončana duga faza njenog „egzila“.

Izgradnja Gazi Husrev-begove biblioteke počela je 2003. godine i realizirala se u tri faze: betonski i zanatski radovi, te opremanje objekta. Svečano otvaranje Biblioteke uslijedit će nakon njenog opremanja i tehničkog prijema.

Gazi Husrev-begova biblioteka u Sarajevu osnovana je 1537. godine kada je Gazi Husrev-beg dao da se podigne medresa a u vakufnamu o gradnji medrese odredio da "što preteće od troškova

gradnje, da se za to kupi dobrih knjiga", koje će se koristiti u spomenutoj medresi, da se njima koristi ko bude čitao i da iz njih prepisuju oni koji se bave naukom. Tako se ova biblioteka smatra prvom i najstarijom kulturnom institucijom Bošnjaka muslimana.

Sve do 1863. godine Biblioteka je ostala u sklopu Kuršumlije medrese kada je zbog pomanjkanja prostora premeštena u veću prostoriju dograđenu pored Gazi Husrev-begove džamije. Tu je ostala sve do 1935. godine kada se zbog povećanja knjižnog fonda preselila u prostorije ispred Careve džamije gdje je ostala sve do početka agresije na Bosnu i Hercegovinu 1992. godine, kada je iz sigurnosnih razloga izmještena na više sigurnijih mjeseta u gradu. Osnovni fond Biblioteke čine rukopisi na arapskom, turskom i perzijskom jeziku kojih ima oko 10.000 kodeksa, po čemu ova biblioteka spada među najveće u Evropi a dobro je poznata i u svijetu. Rukopisi potječu iz raznih krajeva islamskog svijeta, osobito iz velikih i značajnih kulturno-naučnih centara kao što su Istanbul, Mekka, Medina, Kairo, Bagdad. Značajan broj ovih rukopisa potječe iz bosanskih gradova i selja gdje su mnogi Bošnjaci muslimani pisali originalna djela ili prepisivali knjige drugih autora iz svih, tada poznatih naučnih disciplina.

(MINA)



Šejh Hamed bin Khalifa al Thani

Emir strateške vizije i humane misije

Svijet je 25. 06. 2013. godine obišla vijest o abdiciranju sa prijestolja Njegove visosti Emira države Katar, Šejh Hameda bin Halife Alu Thanija i prijenosu vlasti na Njegovu visost Šejh Temima bin Hameda Alu Thanija. Period vlasti od 1995. do 2013. godine iz temelja je promjenio državu Katar u ekonomskom, kulturnom, medijskom i političkom zemljevidu svijeta. Katar je postao sinonim za odličnost među muslimanima i arapskim zemljama. Vizija i angažiranost koju je pokazao Emir države Katar Šejh Hamed bin Halife Alu Thanija impresionirala je i prijatelje i neprijatelje. U svojoj besedi na svečanosti primopredaje vlasti Emir je nagnasio da je bio u službi za dobrobit domovine te kako je došlo vrijeme da se otvori novo poglavje za novu generaciju koja će neumorno i ustajno raditi za dobro naroda i domovine. Kako je pljenio svojim angažmanom i dinamizmom u svome radu, ovim činom je dobio simpatije ne samo od svoga naroda nego i od ljudi širom svijeta, jer je s punim povjerenjem kazao kako nova generacija razumije duh suvremenog doba i može dati veliki doprinos u općem dobru u razvoju domovine. Ovaj prigodni tekst nema ambiciju analizirati implikacije osamnastogodišnje vlasti Emira države Katar na lokalnom i globalnom planu. Moja želja je iznijeti kratko zapažanje i zahvalu Emiru Kataru na potpori strateškim projektima, koji nadilaze naše vrijeme, i razumijevanju potreba muslimana širom svijeta, a Bošnjaka posebno. Emir države Katar pomagao je projekte koji su od suštinskog značaja za funkcioniranje našega društva i posebno obrazovne i kulturne projekte Islamske zajednice.

Sjećam se svojih asistentskih dana na Fakultetu islamskih nauka u Sarajevu kada je uz pomoć donacije Emira države Katar, Šejh Hameda bin Halife Alu Thanija, obnovljena zgrada Fakulteta islamskih nauka (1998) koju su komunističke vlasti silom oduzeli od muslimana poslije Drugog svjetskog rata. Taj hram učenosti i arhitektonski biser zaživio je u punom kapacitetu zahvaljući bezuvjetnoj pomoći strateškoga vizionara Emira Katara.

Ta pomoć nije ničim uvjetovana, a Emir i njegovi saradnici imali su puno povjerenje u našu ulemu i intelektualce da su potpuno samosvesni i kadri nositi misiju islama u BiH i šire. Nakon toga, Emir je pomogao izgradnju zgrade Gazi Husrev-begove biblioteke, pokrenut je rad medijskog „čuda“ Al-Džezire u Sarajevu, izgrađena džamija u Rijeci i drugi projekti. Kada je predsjednik Slovenije dr. Danilo Tirk (2010) bio u službenoj posjeti Kataru zamolio sam predsjednika da razgovara sa Emirom o mogućnosti da pomogne

Emir je svojim odnosom prema drugima promijenio mnoge stereotipe, financirao je izgradnju i katoličke i protestantske crkve u Dohi. Rijetko koji novinar uopće o tome govori.

Izražavamo svoju zahvalnost na Emirovoj dobroti, mudrosti i viziji koju je imao u svome radu pomažući muslimane u svijetu da dostojanstveno razvijaju i čuvaju svoj identitet i vrijednosti. Molimo Uzvišenoga Allaha da Šejh Hamedu bin Halife Alu Thaniju da zdravlja, dug život i džennetsko boravište. Molimo Uzvišenoga Allaha da Njegovoj visosti Šejh Temimu bin Hamedu Alu Thaniju da beriće i svaki hajr u životu i radu u obnašanju dužnosti Emira države Katar. Molimo Uzvišenoga Allaha da prijateljski narod Katara napreduje u svim aspektima života. Amin!

NEDŽAD GRABUS